

DOCX.MY

BERITA ONLINE ANDA!

Info semasa, Terkini, Viral, Agama, Pendidikan,
Makluman, Resepi, Informasi Kerajaan Dan Lain-Lain

INFO LANJUT



www.docx.my



DOCX.MY

SENANG DOWNLOAD

KPM pantau isu guru jadikan pelajar 'content' TikTok



Fadhlina berkata setiap permarkahan yang dibuat mestilah mengikut merit dan standard yang diguna pakai sebelum ini. - Gambar fail/Astro AWANI

KUALA LUMPUR: Kementerian Pendidikan (KPM) memantau perkembangan isu seorang guru yang didakwa

menggunakan pelajarnya untuk mencipta kandungan di TikTok.

Menterinya, Fadhlina Sidek menegaskan, pihaknya akan mempertimbangkan langkah intervensi atau tindakan yang sewajarnya jika menerima aduan.

ADVERTISING

"Kita memantau dari masa ke semasa. Sebarang aduan kita minta kemukakan kepada KPM apatah lagi jika ia menjejaskan integriti dan etika kerja seorang guru yang barangkali boleh memberi impak negatif kepada keseluruhan ekosistem pendidikan.

"Saya pantau perkara ini dengan ketat dan saya akan maklumkan dari masa ke semasa, apa tindakan sekiranya ada, atau intervensi yang kita akan buat di peringkat KPM, sekiranya ada aduan rasmi yang kita terima," katanya ketika ditemui selepas melancarkan Program Pemerkasaan Bahasa Melayu Sekolah Jenis Kebangsaan Cina (SJKC) dan Sekolah Jenis Kebangsaan Tamil (SJKT) Wilayah Persekutuan Kuala Lumpur dan Selangor, pada Selasa.

Beberapa hari lalu, terdapat rungutan di media sosial berkenaan seorang individu yang dikatakan seorang guru di sebuah sekolah swasta, memuat naik sebuah video

yang memaparkan dia menggeledah beg sekolah milik para pelajar sebagai content untuk TikTok.

Guru berkenaan juga didakwa menjadikan para pelajar dan aktiviti hariannya bersama pelajar sebagai bahan untuk dimuat naik ke akaun TikToknya yang memiliki lebih 1 juta pengikut.

Ia menimbulkan persoalan dan kebimbangan dalam kalangan netizen terutama selepas beberapa komen kurang sopan yang ditujukan kepada pelajar, ditemui pada video-video yang dimuat naik.

Sumber: Astro Awani